

ԱՐԴԻ ԳԱՂԱՓԱՐԱՌՈՍԱԿԱՆ ՊԱՅՔԱՐԸ ԵՎ ԼԵՆԻՆԻԶՄԸ

Ն. Գ. ԱՍԼԱՆՅԱՆ

Փիլիսոփայական գիտությունների դոկտոր

Երկու սոցիալ-տնտեսական սխտեմների, առաջադեմ և ոեակցիոն ուժերի ժամանակակից սուր պայքարում առանձնահատուկ տեղ է գրավում գաղափարախոսության ոլորտը: ՍՄԿԿ և միջազգային կոմունիզմի փաստաթղթերում, Կոմունիստական ու բանվորական կուսակցությունների մոսկովյան պատմական խորհրդակցության (1969 թ.) որոշումներում, Վ. Ի. Լենինի ծննդյան 100-ամյակի առթիվ ՍՄԿԿ Կենտկոմի հրատարակած թեզիսներում, գիտականորեն ու բազմակողմանի բացահայտված են իմպերիալիզմի քաղաքական ու գաղափարախոսական դիվերսիաների ակտիվացման պատճառները, մեթոդները, ձևերն ու նպատակները, վերլուծված են մեր դարաշրջանի հասարակական պրոցեսների բովանդակությունն ու տենդենցները, վեր են հանված ժամանակակից իմպերիալիզմի առանձնահատկությունները, բնորոշված է ուժերի հարաբերակցությունը համաշխարհային ասպարեզում, բնութագրված է իմպերիալիզմի ստրատեգիան ու տակտիկան ներկա պայմաններում: Այդ ստրատեգիայի էական մասը ներկայումս գաղափարախոսական-քաղաքական արշավանքն է կոմունիզմի, մարքսիզմ-լենինիզմի դեմ: Դա համատարած, իսկական գլոբալ արշավանք է համաշխարհային մասշտաբով սոցիալիստական սխտեմի, կոմունիստական շարժման, բոլոր պրոգրեսիվ ուժերի դեմ: Գաղափարական մարտերի աննախընթաց սրումը հասկանալու համար պետք է հաշվի առնել հետևյալ գործոնների դերը.

1) Համաշխարհային սոցիալիստական սխտեմի անժխտելի առավելություններն ու հաստատուն առաջխաղացումը.

2) Միջազգային բանվորական շարժման հսկայական մասսայական ծավալը, տնտեսական ու քաղաքական պայքարի միասնությունը.

3) Ազգային-աղատագրական շարժումների հաջողությունները Ասիայի, Աֆրիկայի, Լատինական Ամերիկայի երկրներում (այդ շարժումը որոշ երկրներում ընդունել է բացահայտ հակակապիտալիստական բովանդակություն).

4) Իմպերիալիզմի մի շարք ռազմա-քաղաքական ավանսյուրանների ձախողումները.

5) Մարքսիզմ-լենինիզմի լայնածավալ տարածումը:

Միևնույն ժամանակ կոմունիստական կուսակցությունները զգուշացնում են առաջադեմ մարդկությանը իմպերիալիզմի ուժերի ու հնարավորությունների թերագնահատումից, իմպերիալիզմ, որը ժողովուրդների ազատության, առաջադիմության ու խաղաղության լուրջ ու վտանգավոր թշնամին է (և ոչ թե «թղթե վագր»): Նրա վտանգավորությունն այն է, որ նա տենդենց ունի ավելի ու նպատակներով օգտագործել գիտության ու տեխնիկայի վիթխարի նվաճումները: Այդ տենդենցը, ինչպես վաղուց զգուշացրել է Լենինը, կարող է հան-

դեցնել մարդկության գոյության բուն պայմանների ոչնչացման: Եվ դա ռեալ լիտանգ է:

Հակակոմունիզմ — այս է իմպերիալիզմի քաղաքական-գաղափարախոսական ստրատեգիայի հիմնական գիծը, ինչպես դա եղել է և անցյալում: Ժամանակակից պայմաններում, սակայն, հակակոմունիզմը հսկայական մասը տարների է հասել: Այդ գիծը երկրորդ համաշխարհային պատերազմից հետո մշակվում է իմպերիալիզմի ստրատեգիական կենտրոններում (ԱՄՆ, ԳՖՀ):

Բացարձակ զրպարտանքներ ու գաղափարախոսական դիվերսիաներ, փաստերի, իրադարձությունների, կոմունիստական իդեալների մոլեռանդ կեղծում, մասսայական ինֆորմացիայի բոլոր միջոցների (մամուլ, ռադիո, հեռուստատեսություն) շարանենգ օգտագործում: Այս «գործով» է զբաղված բուրժուական գաղափարախոսների և ռեպրեզենտանտների մի ամբողջ բանակ, որը չնիսական ճգնաժամի օրերին անզուսպ ցինիկությամբ դրսևորեց իր հակասոցիալիստական և, իհարկե, հակասովետական որոգայթները: Զեխական դեպքերի թևած պահին բուռն «գործունեություն» ծավալեց ՆԱՏՕ-ի գործակալների, ագրեսիվ պատերազմի հրձիգների բաղամարդ ոհմակը՝ Բոննի գեներալ Մոյլը, որը Համբուրգում կարդացած իր ռեանշիստական դասախոսության մեջ հանձնարարում էր ուսումնասիրել ռեպրեզենտանտ պատերազմի հարցը Եվրոպայի գլխավոր ճակատում, այսինքն այնտեղ, որտեղ համաշխարհային տերություններն անմիջապես շփվում են միմյանց հետ, Շպրինգերի լրագրային կոնցեռնը, միլիտանտեր Մոլդենի հրատարակչությունը, պրոֆեսոր Մեներտը (այդ բոլորը ԳՖՀ-ում), մոլի հակակոմունիստ Զ. Բեգինսկին (ԱՄՆ), անգլիական «Գարդիան» թերթի մեկնաբան Զորդեն: Առանձին ակտիվությամբ են գործում «Ամերիկայի ձայնը», «Բիրբիսին», «Գերմանական ալիքը», «Սվոբոդա» և եթերը: Թունավորող այլ ալիքներ:

Հակակոմունիզմի ստրատեգիան ելնում է այն խոր մոլորությունից (եթե միայն մոլորություն է դա), թե կոմունիզմը առասպել է: «Կոմունիստական, բոլոր առասպելներից, — ծիծաղելի հավակնությամբ ազդարարում է Լոնդոնի պրոֆեսոր Սևտոն-Ուոտսոնը, — ոչ մեկն այնքան անհեթեթ չէ, որքան: կոմունիզմի պատմական անխուսափելիության ու անհրաժեշտության վերաբերյալ միտքը»¹: Կոմունիզմը առասպել հայտարարելով, նրա մոլեռանդ թշնամիները ի՞նչ պրակտիկ դեղատոմս են առաջարկում իրենց գործակալներին: Սոցիալիստական երկրների դեմ հակահեղափոխական դավադրություններ կազմակերպող ու հրահրող այդ գործակալները դիրեկտիվներ են ստանում ամեն կերպ խրախուսել «լիբերալացման տենդենցներն» այդ երկրներում՝ հուսալով, թե դրա հետևանքով «արևմուտքից խմորման ավելի ու ավելի շատ ֆերմենտներ պետք է թափանցեն սոցիալիստական երկրները»: Սրանք Զորջթաունի ստրատեգիական կենտրոնի (ԱՄՆ) դիրեկտիվներն են:

Պատմության դասերն անտեսելով, նրանք շարունակում են իրենց հին ստրատեգիան, բազմապատկում են տակտիկական պրիմները: «Ամերիկայի ապագա ստրատեգիայի առաջնահերթ և ամենակարևոր խնդիրը, բառի լայն իմաստով, մեր քաղաքական սիստեմի պահպանումն ու ամրապնդումն է, և

¹ H. Seton-Watson. From Lenin to Malenkov. The History of World Communism. 1955, № 4. p. 347—348.

այս խնդիրն ավելի կարևոր է, քան խաղաղության պահպանումը², — դրում են մի խումբ հրապարակախոսներ: Եվ, պատկերը լրացնելու համար, երկու էջ հետո իրենց թեզն ավարտում են այսպես. «Մեր քաղաքականության հիմքը պետք է կազմի հետևյալ նախադրյալը. մենք չենք կարող հանդուրժել, որ գոյություն ունենա մեր քաղաքական սիստեմին հակառակ սիստեմ»³: Այս քաղվածքներից պարզ է նաև, որ սոցիալիզմի, խաղաղության ու դեմոկրատիայի թշնամիներն ամեն ղոպե, երբ հարմար գտնեն, պատրաստ են ոտնահարելու խաղաղության գործը: Եվ մենք գիտենք, որ դրանք լուկ խոսքեր չեն: Սոցիալիզմի թշնամիները մի անգամ չէ, որ փորձ են արել խոսքից գործի անցնելու, երկրի երեսից զենքի միջոցով բնաշնչելու իրենց «քաղաքական սիստեմին» հակառակ սիստեմը՝ 1918—1920 թթ. ինտերվենցիայից սկսած մինչև հիտլերյան ֆաշիզմի ավազակային հարձակումը մեր երկրի վրա: Պատմությանը հայտնի է նաև, որ այդ արշավանքները ջախջախիչ հակահարված են ստացել սովետական ժողովրդի և նրա հերոս բանակի կողմից:

Այստեղից պարզ է, թե ինչու ներկայումս հակակոմունիզմը հսկայական ջանքեր է թափում գաղափարախոսական դիվերսիաներ կազմակերպելու համար: Սոցիալիզմի թշնամիներն, այնուամենայնիվ, պատմությունից որոշ դասեր առել են. ակնհեր է, որ ուղղակի ռազմական մեթոդներով սոցիալիստական սիստեմը խորտակելու հույսերը պատրանք դուրս եկան: Սակայն, թշնամիները հրապարակից չեն հեռանում և սուրը պատյանի մեջ չեն դնում. նրանք դիմում են պայքարի առավել խարդախ մեթոդների, որոնում են նորանոր փաստարկումներ, մոգոնում են մոգայական փիլիսոփայական, սոցիալ-պատմական առասպելներ, կոնցեպցիաներ, սիստեմներ: Հակակոմունիզմի գաղափարախոսական դիվերսիաների այդ առանձնահատկությունը կոմունիստների մոսկովյան խորհրդակցությունում լավ է բնորոշել Լ. Ի. Բրեժնևը. «Իմպերիալիզմը, — ասաց նա, — չի կարող հաջողության հույս ունենալ, բացահայտորեն ազդարարելով իր իսկական նպատակները: Նա ստիպված է մոգոնել գաղափարախոսական առասպելների մի ամբողջ սիստեմ, որոնք մշուշապատում են նրա մտադրությունների իսկական իմաստը, թմբեցնում են ժողովուրդների ղեկավարներ: Այդ նպատակով նա այժմ ստեղծել է պրոպագանդիստական մի հրակայական մեքենա, որն օգտագործում է գաղափարախոսական ներգործության փամանակակից բոլոր միջոցները: Եվ ահա այդ մեքենան գործի դնողները ջանում են հազար ու մի մեթոդներով, «հոգեբանական նուրբ ձեռքերով» սոցիալիստական երկրները ներմուծել հակակոմունիզմի թույնը:

Սոցիալիստական աշխարհի, դեմոկրատական երկրների ու առաջադիմական շարժումների դեմ գաղափարախոսական դիվերսիաների դիմելով, մոնոպոլիաների վարձկաններն իրենց տերերից հրահանգներ են ստանում գործադրել պայքարի ամենաայլազան ձևեր, կանգ չառնել միջոցների առաջ, դեկավարվելով եզրփոսների նշանաբանով՝ «նպատակն արդարացնում է միջոցները»:

Դրա հետ միասին հակակոմունիզմի մարտնչող մոնեթիկները հույսեր են կապում, այսպես կոչված, հոգեբանական սլաքերազմի հետ: Տխրահուշակ Շարաուսը դիրեկտիվներ է տալիս իր ընթերցողներին. «Հարկավոր է մեր

² R. Strausz — Hupé, W. Kintner, S. Posony. A. Forward Strategy for Armenia 1961, № 4, n. 402.

³ Նույն տեղում, էջ 405—406:

մտառելակերպը հողերանական նուրբ ձևով, ժամանակակից պրոպագանդայի բոլոր միջոցներով ներարկել կոմունիստական պետությունների հասարակական կյանքը⁴։ Մյուս առանշիստը, Բոննի նախկին մինիստր Օբերլենդերը, տեսե՛ք, հողերանական պատերազմի ինչ խրատներ է տալիս իր ընթերցողներին և ունկրնդիրներին. «Այդ պատերազմը,— ասում է նա,— հստակ արտահայտված սկիզբ չունի։ Այն չի հայտարարվում, ինչպես հայտարարվում է սովորական պատերազմը։ Ընդհակառակը, այն մղվում է գրեթե անտեսանելի, պրոպագանդայի օղնությամբ, իդեանների ինֆիլտրացիայի, լրտեսության միջոցով։ Եվ որքան աննկատելի է մղվում, որքան քիչ ուժեր է իր դեմ հարուցում, այնքան տվյալի արդյունավետ է այդ պատերազմը»⁵։

Կործակվում են բոլոր միջոցները սոցիալիստական սիստեմի տնտեսական ու քաղաքական հիմքերը խարխուլելու, սոցիալիստական հանրակեցության բարձր նորմաները՝ կոլեկտիվիզմը, հեղափոխական հումանիզմը, ժողովուրդների ադատության ու բարեկամության ազնիվ սկզբունքները, հայրենասիրությունն ու սոցիալիստական ինտերնացիոնալիզմը հերքելու և վարկաբեկելու նպատակով։

Սոցիալիզմի անդիմակ թշնամիները հենց շեմքից մերժում են դիալեկտիկա-մատերիալիստական աշխարհայացքն ու մեթոդոլոգիան, լենինիզմի քաղաքական, ծրագրային ու տակտիկական սկզբունքներն ու դրույթները, դրանք հայտարարում են հնացած։

Մարքսիզմ-լենինիզմի ավելի զգաստ հակառակորդները ստիպված են խոստովանել նրա դիտական ու պատմական արժանիքները, ուժն ու ազդեցությունը միլիոնավոր մարդկանց վրա։ Նրանք փորձում են օբյեկտիվ գոնավորում տալ իրենց հակասոցիալիստական հայացքներին ու պրոպագանդային, նույնպես ունենալով համոզիչ դարձնել իրենց փաստարկումները և մարքսիզմը հարմարեցնել իրենց մտադրություններին։ Նրանք նույնիսկ քննադատական սուսեր են ճոճում բուրժուական որոշ, հատկապես աչք ծակող դոգմաների դեմ, միևնույն ժամանակ թարս ու շիտակ մեկնաբանելով և աղավաղելով Մարքսի ու լենինի ուսմունքը, սոցիալիստական պետությունների նպատակներն ու քաղաքականությունը։

Կոմունիզմի անկասելի, հաստատուն առաջխաղացման փաստը թափանցել է նույնիսկ նրա հակառակորդներից շատերի գիտակցության մեջ՝ առաջացնելով մտքերի տարընթացություն, իրարանցում, հոգեկան կաթված⁶։ Հրապարակ են եկել հարկադրված խոստովանությունների ամբողջ սերիաներ մարքսիզմ-լենինիզմի «ճանաչման» մասին, այն մասին, թե չի կարելի այդ ուսմունքը շեմքից դնել նետել, այն պետք է ավելի լուրջ ուսումնասիրել և ավելի հիմնավորված քննադատել։ ԱՄՆ-ում, ԳՖՀ-ում և այլ տեղերում ստեղծվել են «մարքսագիտների», «սովետագետների» կենտրոններ, ինստիտուտներ, հրատարակվում են քրեատմատիաներ, հանդեսներ։

Նթե լսենք այդ գործի կազմակերպիչներին, ապա այդ բոլորն արվում է որպես թե մարքսիզմ-լենինիզմն ավելի լավ ուսումնասիրելու, «լրացնելու»,

⁴ Տե՛ս Ալբերտ Նորդենի հոդվածը, «Новое время», 1969, № 15.

⁵ Տե՛ս «Известия», 19. XI. 1969, статья В. Борисова.

⁶ Այս մասին մանրամասն տե՛ս մեր «Проблема общественного прогресса в буржуазной философии истории» (Ереван, 1965) աշխատությունը։

«շտկելու» համար, բայց իրականում դա արվում է կոմունիզմի գաղափարները կեղծելու, վարկաբեկելու, հերքելու միտումով: Դրանով է զբաղված տեսական-գաղափարախոսական դիվերսանտների մի ամբողջ բանակ: Այստեղ մենք հանդիպում ենք մարքսիզմ-լենինիզմի, սովետական սիստեմի հին ու նոր քննադատներին, բացահայտ բուրժուական հակառակորդների ու նրանց ռևիզիոնիստական զինակիցներին: Այստեղ են փիլիսոփաներ, սոցիոլոգներ, պատմաբաններ, նախկին իդեալիստներ ու ներկա թեոլոգներ՝ Ժ. Բոխենսկի, Գ. Վետտեր, Հ. Ռաուխ, Ռ. Արոն, Կ. Պոպեր, Ռ. Լյովեիթալ, Մ. Մակկլունե, Հ. Մարկուզե, Ն. Բրաուն, Գ. Կան, Ու. էքենշտայն, աջ ռևիզիոնիստներ՝ Գուրկ, Պետրովիչ, Պրուխա, Սվիտակ, է. Ֆիշեր, Ֆ. Մարեկ, Ռ. Գարոդի և շատ ուրիշներ:

Սոցիալիստական սիստեմը ռազմական ճանապարհով խորտակելու ավանտյուրիստական փորձերի ձախողումները և մարքս-լենինյան գաղափարներին հաղթարշավը մի կողմից, բուրժուական գաղափարախոսության սնանկացումը բոլոր գծերով՝ մյուս կողմից, ստիպում են բուրժուական իդեոլոգներին մի շարք ճշմարտություններ խոստովանել, միևնույն ժամանակ ուժեղացնելով իդեոլոգիական դիվերսիաները: Առաջինն այդ ընդունեց (եթե շատ հեռուն չգնանք) ԱՄՆ-ի նախկին պետական քարտուղար Զ. Ֆ. Դալլեսը: ԱՄՆ ունի ամեն ինչ՝ հարստություն, բարձր տեխնիկա, գործարարություն, բայց չունի մեծ իդեալներ, որոնք հրապուրեին ժողովուրդների մտքերն ու զգացմունքները, — խոստովանել է նա:

Նման խոստովանություններ այժմ կարելի է լսել շատ-շատերից և՛ իմպերիալիզմի բացահայտ երկրպագուներից, և՛ մարքսիզմ-լենինիզմի ավելի զգույշ ու ռեսպեկտաբել քննադատներից: Կոմունիզմի իդեոլոգիան «մնում է որպես հզորագույն մի ուժ, որը գործում է այսօրվա աշխարհում», — խոստովանում է ամերիկյան հակակոմունիստ Ա. Մեյերը¹:

Խոչ է հարկավոր հակադրել այդ ուժին: Պատասխան. «Հարկավոր են ո՛չ թե ջրածնային նոր ռումբեր, ո՛չ թե ավելի ծավալուն ու ավելի արդյունավետ լրտեսական ցանց, ո՛չ թե ներքին անվտանգության ավելի խիստ օրենքներ, այլ հարկավոր է իդեալ, կամ մեր սեփական իդեալների մի կոմպլեքս, որոնք ունենան ավելի շատ նշանակություն մեզ համար և աշխարհի մյուս ժողովուրդների համար, ներառյալ նաև այն ժողովուրդների, որոնք այժմ գտնվում են կոմունիստական աշխարհի ներսում»²: Ասված է շատ պարզ. մարքսիզմ-լենինիզմի հետ ունեցած ճակատամարտերում բուրժուական գաղափարախոսությունը շարունակ պարտություն է կրում, և այժմ նրա կրողները որոնում են համոզման նոր ձևեր, նոր փաստարկներ: Արևմտա-գերմանական «Ֆրանկֆուրտեր ալգեմայնե» թերթի 1968 թ. ապրիլի 24-ի համարում նշվում է, որ այժմ երկու սիստեմների մրցամարտում հսկայական նշանակություն է ստանում սեփական և ուրիշ ժողովուրդներին համոզելու արվեստը:

Ամերիկյան սոցիոլոգ Ու. Դիզարդը նույնպես շեշտը դնում է ուրիշներին համոզելու մեթոդների վրա: «Մենք պետք է, — գրում է նա, — մեր ուշադրությունը կենտրոնացնենք ոչ թե տեխնիկայի վրա, այլ մի ավելի նշանակալից

¹ A. Meyet, Communism, 1967, № 4, p. 5.

² B. Ward, Withlney, R. Strausz-Hupe, Ch. Malik, The Legacy of Imperialism. Pittsburgh., 1960, p. 42.

պրորոկսի վրա — այն բանի վրա, թե մենք ի՞նչ կարող ենք ասել օտարերկրացիներին համողելու համար: Համոզման մեր միջոցները պետք է որոշվեն մեր քաղաքականությունում և համապատասխանեն նրան: Այն, ինչ մենք անում ենք, և այն, ինչ մենք ասում ենք, չի կարելի անջատել միմյանցից»⁹:

Ինչպես տևանում ենք, սրանք առանձին անհատների պատահական խոստովանություններ չեն, այլ գործ ունենք միջազգային երևույթի հետ: Ի՞նչ է մենք անել բուրժուազիայի իդեոլոգներին այս բոլոր փաստերից հետո: Պատասխանը հենց իրենք են տալիս. ոչ թե ձեռքերը ծալել կոմունիստական ու դեմոկրատական ուժերի հանդեպ, այլ որոնել քաղաքական ու գաղափարական դիվիսիաների ավելի ճկուն, ավելի խարդախ մեթոդներ, կազմակերպել իդեոլոգիական արշավանք կոմունիզմի դեմ:

Այդ խարդախություններից մեկն այն պրոպագանդիստական առասպելն է, թե մարքսիզմը մեր դարաշրջանում հնացել, անանկացել է, թե մարքսիզմի ու լենինիզմի միջև սկզբունքային անհամաձայնություն գոյություն ունի: Կոմունիզմի սովետական ըմբռնումը, հայտարարում են կեղծարարները, ոչ մի ընդհանուր բան չունի Մարքսի ասածի հետ: Արևմտա-գերմանական սոցիալիզմ «Երևանում» իր հերթին «ուղղում» է հետևյալ կերպ. Մարքսը մոլորվել է, կապիտալի ծննդյան երկունքը համարելով նրա մերձահուցավեր, «մինչդեռ սոցիալիզմի իդեալներն արդեն իրականացվել են «համընդհանուր բարօրության պատկերացում» մեջ»¹⁰: «Մարքսիզմը, — Վիկին կրկնելով — հայտնի ժողովրդավար, մոռանալով իր սովորական զգաստությունը, — մեռնող գոկտրինա է Խուսափանում: Ընդ որում այս ժողովրդավար վկայակոչում է «միասնական ինդուստրիալ հասարակության» վերաբերյալ իրոք առասպելը, որովհետև — ակա՛նջ դրեք — մարքսիստական «գոգման» անհամատեղելի է ժամանակակից բարձր ինդուստրիալ էկոնոմիկայի հետ, որպիսին ստեղծում է Սովետական Միությունը: Այս փաստերի հետ միասին մենք գիտենք ուղադրության արժանի ավելի զգաստ խոստովանությունը:

Բռննի պրոֆեսոր Հ. Բարիտը գրում է. «Մարքսիզմի կրախի վերաբերյալ դուշակությունները չիրականացան. ընդհակառակը, այն դարձավ համաշխարհային — պատմական ուժ: Մարքսիզմի գաղափարները տիրեցին աշխարհին և այն աստիճան վերափոխեցին աշխարհը, որ անհնար էր կանխատեսել»¹¹:

Հակակոմունիստ Հարրի Շվարցը տրտնջում է. «Պատմությունն արդեն ցույց է տվել, որ ոչ մի հերքում ի վիճակի չէ խարխուլելու մարքսիզմի ազդեցությունը: Դրա պատճառն այն է, որ մարքսիզմն այժմ հարյուրավոր միլիոն մարդկանց համար դարձել է մի գաղափարախոսություն, որը նրանց ցույց է տալիս դեպի լավագույն ապագան տանող ուղին: Մարքսիզմի համաշխարհային հեղինակությունն աճում է»¹²: Նշանակալից է նաև ֆրանսիական մտածող Շոպարի խոստովանությունը. «Ներկայումս պարզապես անհնարին է հասկանալ

⁹ W. Dizard, The Strategy of Truth. Washington. 1961, p. 19.

¹⁰ Günter Wick. Wandlungen des Marxismus. München, 1963, S. 15.

¹¹ J. Barion. Ideologie, Wissenschaft, Philosophie, Bonn, 1966. S. 95.

¹² Marx on Economics, Edited by Robert Freedman. Introduction by Harry Schwartz, 1961, № 4. p. XXIII.

մեր դարաշրջանը կամ անցյալ քաղաքականությունների պատմությունը. առանց հաշվի առնելու Մարքսի դոկտրինան»¹³:

Արևմտա-գերմանական հասարակական գործիչ Վ. Շենկեն ևս նշում է ոչ միայն մարքսիզմի գիտական ուժը, այլև նրա բարոյական մեծագույն նշանակությունը: «Ահա հարյուր տարուց ավելի է,— գրում է նա,— ինչ մարքսիզմը հանդիսանում է խղճի այն ձայնը, որը թույլ չի տալիս արևմտյան կապիտալիստական աշխարհին ամբողջությամբ ընկղմվելու մարդու համար վիրավորական ու անխիղճ էգոիզմի ճահիճը: Մարքսիզմն այն ուժն է, որի հանդես գալը արթնացրեց խիղճը և թույլ չի տալիս, որ նա խամրի»¹⁴: Այսպիսի խոստովանություններ շատ կարելի է արձանագրել:

Հասարակական-պատմական այս ֆոնի վրա իր ամբողջ ուժով ու վեհաթյամբ ահա վեր է խոյանում Վ. Ի. Լենինի ամենահաղթ ուսմունքը:

«Մեր կուսակցության ու ժողովրդի բոլոր մեծագործությունները ոգևնչված են լենինյան գաղափարներով, որոնք միշտ սլացած են դեպի առաջ. դեպի ապագան»¹⁵:

Լենինը Մարքսի և էնգելսի հեղափոխական մտքի ու հեղափոխական գործի հանճարեղ շարունակողն ու զարգացնողն է: Անհատակ օվկիանոս է լենինյան գաղափարական-տեսական ժառանգությունը: Այնտեղ բացահայտված են սոցիալիստական հեղափոխությունների, սոցիալիզմի ծագման ու զարգացման, կոմունիզմի շինարարության օրինաչափությունները: Անգնահատելի գանձ է բուրժուական փրկիսոփայության նորագույն հոսանքների և ուղիղիների լենինյան քննադատությունը: Վ. Ի. Լենինի տեսական ժառանգության շտեմարանում վճռական տեղը հատկացված է մարքսիստական դիալեկտիկա-մատերիալիստական մեթոդին, որն, ըստ Լենինի, ամբողջ մարքսիզմի արմատական տեսական հիմքն է, նրա հեղափոխական հոգին:

Թե ինչ տեղ է գրավում դիալեկտիկական մարքս-լենինյան տեսության սիստեմում, կարելի է պատկերացնել Լենինի հետևյալ խորիմաստ ձևակերպումից. «Եթե փորձ անենք մի խոսքով սահմանելու ամբողջ նամակագրության (խոսքը Մարքսի և էնգելսի նամակագրության մասին է — Վ. Ա.), այսպես ասած, կիզակետը,— այն կենտրոնակետը, որին հանգում է արտահայտվող և քննարկվող գաղափարների ամբողջ ցանցը, ապա այդ խոսքը կլինի դիալեկտիկան: Մատերիալիստական դիալեկտիկայի կիրառումը ամբողջ քաղաքատնտեսության վերամշակման նկատմամբ սկսած նրա հիմքից—պատմության, րնագիտության, փրկիսոփայության, բանվոր դասակարգի քաղաքականության ու տակտիկայի նկատմամբ,— ահա ինչն է ամենից շատ հետաքրքրում Մարքսին ու էնգելսին, ահա ինչի մեջ են նրանք մտնում ամենից էականն ու ամենից նորը, ահա ինչումն է նրանց հանճարեղ առաջաքայլը հեղափոխական մտքի պատմության մեջ»¹⁶:

Լենինը դիալեկտիկայի մեծագույն վարպետն էր և տվել է կյանքում այն կիրառելու անգերազանցելի օրինակներ: Բոլոր օպորտունիստների և ուղիղի-նիստների հանցանքը նա համարում էր մարքսիզմի հեղափոխական դիալեկ-

¹³ Chopand E. Mission l'esprit dans notre civilisation technique. Neuchâtel, 1960, p. 57.

¹⁴ Տե՛ս «Известия», 26. VIII, 1969, Л. Толкунов, «Духовное обнищание» հոդվածը:

¹⁵ Տե՛ս «Правда», 21. I. 1969, առաջնորդող հոդվածը:

¹⁶ Վ. Ի. Լենին, Երկեր, հ. 19, էջ 694—695:

տիկայի անտեսումը կամ աղավաղումը: Պատմությունը ցույց է տալիս, թե ինչ է ստացվում, երբ ռեֆորմիստները, աչ և «ձախ» ռեիզիոնիստները փորձում են աղավաղել այդ ուսմունքը, թուլացնել նրա ուժը և խարխիլել նրա ամբողջականությունը, որպես միասնական ինտերնացիոնալ ուսմունքի: Լենինը սովորեցնում էր աչքի չույսի պես պահպանել մարքսիստական տեսության մաքրությունը, հետևողական ու անհաշտ պայքար մղել բուրժուական իդեոլոգիայի ու օպորտունիզմի ամեն տեսակի դրսևորումների դեմ, զարգացնել ժողովրդի մեջ կոմունիստական համոզվածությունն ու զաղափարական տոկունությունը:

Մեծ առաջնորդի գրվածքներում ընդգծվում է մարքսիզմի ամենաերկնի, ամենավճռական առանձնահատկությունը՝ խորը գիտականությունն ու մեծագույն հեղափոխականությունը, այսինքն օբյեկտիվ ճշմարտացիությունն ու հետևողական կուսակցականությունը: Կոմունիստական գաղափարախոսության այդ երկու կողմերը՝ գիտական միտքն ու հեղափոխական գործողությունն անխզելիսրեն կապված են իրար հետ, բխում են մեկը մյուսից, փոխադարձաբար ներթափանցում են: Մարքսի ուսմունքը ամենագոր է, ասում է Լենինը, որովհետև ճշմարտացի է, իսկ ճշմարտացի է, որովհետև, խորը, բազմակողմանի ու ճիշտ է արտացոլում օբյեկտիվ իրականությունն իր օրինաչափ զարգացման ընթացքով, և դա համընկնում է հասարակական պրոգրեսի, աշխատավոր մարդկության շահերի, նպատակների ու պահանջների հետ:

Լենինի դիմ բովանդակության խորությունն ու հարստությունը, անդիմադրելի ուժն ու աշխարհափոխիչ նշանակությունը ստիպված են բազմիցս խոստովանել նույնիսկ նրա քննադատներն ու հակառակորդները: Ահա բազմաթիվ օրինակներից մի քանիսը: «Ոչ մի մարդ երբեք ավելին չի արել, քան Լենինը Ռուսաստանի և աշխարհի կերպարանքը փոխելու գործում»: Այս ասում է ամերիկյան հակակոմունիստ Ռորերտ Մեյնը: Անգլիական պրոֆեսոր Լեոնարդ Շապիրոն գրում է. «Լենինի անձնական ազդեցությունն իր սեփական երկրում և ամբողջ աշխարհում անչափ ավելին է, քան մեր հարյուրամյակի որևէ այլ գործիչի ազդեցությունը»: Լենինը սովորեցնում էր գաղափարախոսական հարցերում հետևողականորեն կիրառել մարքսիստական կուսակցականության (իսկ դա նշանակում է նաև խիստ գիտական) սկզբունքը: Այդ նշանակում է նաև հակառակորդների փրկսոփայական, բարոյագիտական, քաղաքական, ծրարային կոնցեպցիաների, սիստեմաների, դեկլարացիաների հետևել տեսնել նրանց դասակարգային իմաստն ու տենդենցները: Օրինակ, բուրժուական փրկսոփաների նկատմամբ Լենինը սովորեցնում էր, որ նրանցից «ոչ մեկի ոչ մի խոսքից չի կարելի ճշմարտալ, հենց որ խոսք է բացվում փրկսոփայության մասին»¹⁷, նույնը վերաբերում է հասարակական մտքի բոլոր բնագավառներին, սոցիալ-պատմական բոլոր գիտելիքներին: «Մոտակա հիսուն տարում, — գաղափարաբար արձանագրում է բուրժուական սոցիոլոգ Ջ. Կետլին, — ամբողջ աշխարհը կդառնա լենինյան»: Անկասկած, սրտի կսկիծով է գրում իր հետևյալ տողերը արեմտա-գերմանական հակակոմունիստ Ի. Ֆետչերը. «Ժամանակակից մարքսիզմ-լենինիզմն այժմ ամենաազդեցիկ գաղափարախոսությունն է»:

Հարկադրված տուրք տալով մարքսիզմ-լենինիզմին, նրա քննադատները փորձում են նենգամտորեն այլանդակել այն. Մարքսին հակադրում են Լենինին, ուշ Մարքսին՝ վաղ Մարքսին, Լենինյան գաղափարների մի էտապը՝ մյուս էտա-

17 Վ. Ի. Լենին, Երկեր, հ. 14, էջ 459:

պին, հույս են դնում կոմունիստական գաղափարախոսության էությունի վրա, խոսում են պլուրալիստական մարքսիզմի մասին և այլն:

Հասարակության սոցիալիստական վերափոխումների այս դարաշրջանում, երբ հարյուրավոր միլիոն հասարակ մարդիկ ամենուրեք մարտնչում են սոցիալական առաջադիմության, դեմոկրատիայի, խաղաղության, ազգերի անկախության համար, բուրժուական հոգևոր կուլտուրան ղրան հակառակ, խորը ձգնաժամ է ապրում: Սոցիալական հոռետեսություն, նիհիլիզմ, իռացիոնալիզմ, թեոլոգիա, ռասիզմ, նացիոնալիզմ, — ահա ինչ է համակում իմպերիալիզմի հասարակական միտքը և ինչ են սերմանում հակակոմունիզմի զինակիցներն իրենց երկրներում փորձելով նույնը ներարկել սոցիալիզմի երկրները:

Մոլեռանդ ունեցիտ Յոզեֆ Շտրաուսը բուրժուական մտածելակերպը բոլոր միջոցներով կոմունիստական պետությունների հասարակական կյանքի մեջ ներմուծելու մասին արդեն բերված իր խոսքերից հետո գրում է «Մարդկանց մեջ պետք է ամեն կերպ զարգացնել անտարբեր վերաբերմունք այդ երկրների կոմունիստական ղեկավարության նպատակների նկատմամբ, նրանց բնակչությունը մղելով դեպի պասսիվ դիմադրություն, դեպի սաբոտաժ»¹⁸: Հայտնի էքզիստենցիալիստ Կարլ Յասպերսը մոայլ գույներով նկարագրելով պատմության ընթացքը, հետևյալ մտահանգման է գալիս. «Համաշխարհային պատմությունը պատահականությունների քաոսի, մակընթացության հորձանուտի կերպարանք ունի: Այն ավելի ու ավելի է սաստկանում գնալով մի կազմալուծումից դեպի մյուսը, մի աղետից դեպի մյուսը, ունենալով երջանկության վաղանցիկ առկայծումներ, կղզիկներ, որոնց առժամանակ հեղեղը չի դիպչում, մինչև որ նրանք էլ ջրի տակ կանցնեն»¹⁹:

Ջավելտականն այն է, որ հետևողականորեն պրոպագանդելով այս ոռակցիոն գաղափարախոսությունը, մարքսիզմ-լենինիզմի մոլեռանդ հակառակորդներն իրենց դիտավորությունները քողարկելու համար առաջ են քաշում այսպես կոչված «գաղափարախոսական զինաթափում» (հակաիդեոլոգիացում), ամբողջապես կեղծ թեզը և դա արվում է բուն «գաղափարախոսություն» (իդեոլոգիա) հասկացության դեմ արշավանք կազմակերպելու միջոցով, արվում է ամենից առաջ Մարքսի ու Լենինի գաղափարների ազդեցությունը թուլացնելու, կոմունիզմի նվաճումներն ու իդեալը վարկաբեկելու համար: «Հակաիդեոլոգիզմի» այդ հիմնական տենդենցը շեն թաքցնում հենց նրա կողմնակիցները և մարքսիզմ-լենինիզմի հետ կապ չունեցող շատ ուրիշ հեղինակներ: «Հասել է իդեոլոգիական դարաշրջանի վերջը» — այս դրույթը հիմա շատ մոգայական է արևմուտքի բուրժուական պրոպագանդիստների շրջանում: Այկեն Դեյվիթն, օրինակ, «Ապստամբություն իդեոլոգիայի դեմ» վերնագիրը կրող իր հոդվածում նշելով այդպիսի ապստամբության երեք էտապ, բանը հանգեցնում է նրան, թե առաջին ապստամբը իդեոլոգիայի դեմ ընդհանրապես՝ Մարքսն է եղել: Դա արվում է Մարքսի վաղ աշխատությունների և մարքսիստական ուսմունքի աղավաղման միջոցով²⁰:

Լենինը սովորեցնում է երկու գաղափարախոսությունների — կոմունիզմի ու հակակոմունիզմի հակադիր փիլիսոփայական, սոցիալ-քաղաքական կոնցեպցիաների ու սխտեմների անհաշտ պայքարի մասին:

¹⁸ Տե՛ս Ալբերտ Նորդեն հոդվածը «Новое время» շաբաթաթերթում, 1969, № 15:

¹⁹ K. Jaspers, Von Ursprung und Ziel der Geschichte. München, 1949, S. 299.

²⁰ Aiken David, The Revolt Against Ideology. „Commentary“, April, 1964.

Այստեղից պարզ է այդ երկու գաղափարախոսությունների անտագոնիստական ընդդիմությունը: Չեն կարող իրար հետ հաշտ գոյակցել մատերիալիզմն ու իդեալիզմը, դիալեկտիկան ու մետաֆիզիկան, հումանիզմն ու մարգատյացությունը, կոյեկտիվիզմն ու ինդիվիդուալիզմը, լավատեսությունն ու պեսիմիզմը: Ահա թե ինչու Վ. Ի. Լենինը լիակատար հիմք ունեն պնդելու. «Հարցը դրվում է միայն այսպես. բուրժուական, թե սոցիալիստական իդեոլոգիա: Միջինը չկա այստեղ... Ուստի սոցիալիստական իդեոլոգիայի ասեն մի նվաստացում, ասեն մի հեռացում նրանից՝ ինքնին նշանակում է բուրժուական իդեոլոգիայի ուժեղացում»²¹:

Այնհայտ է, թե դիտական-տեսական, մեթոդոլոգիական ինչ հարստություն է պարունակում լենինիզմը, քաղաքական պայքարի ինչ հատուկ զենք է կոմունիստական ու բանվորական շարժման, բոլոր պրոգրեսիվ ուժերի համար: Գնալով ավելի լայնածավալ է դրսևորվում լենինիզմի ամենահաղթ ուժը: Հարստացնելով լենինյան գաղափարները, միևնույն ժամանակ պետք է սխտեմատիկարար մերկացնել հակակոմունիզմի հակագիտական, կեղծ կոնցեպցիաներն ու հայացքները, նրա ուսանողներին քաղաքական տենդենցները, աչքի լույսի պես պտհպանել մարքսիզմ-լենինիզմի մաքրությունը, մշտապես հիշելով, որ միայն այս ուսմունքն է տալիս մեզ նպատակի պարզություն, հաստատուն համոզմունք, կոմունիստական պրոգրեսի հաղթանակի նկատմամբ անհողողող վստահություն ու հավատ:

СОВРЕМЕННАЯ ИДЕОЛОГИЧЕСКАЯ БОРЬБА И ЛЕНИНИЗМ.

Г. Г. АСЛАНЯН

Доктор философских наук

Р е з ю м е

В статье на широкой основе политического и идеологического материала обрисована картина современной идеологической борьбы между коммунизмом и антикоммунизмом, прогрессивными и реакционными силами нашей эпохи. Выясняются основные причины обострения идеологической борьбы, характеризуется поход империалистической реакции против международного коммунизма и его идеологии, носящий всеохватывающий, поистине глобальный характер, вскрываются приемы, методы, цели идеологических диверсий империалистов.

На фоне всемирно-исторических событий возвышается величайшая фигура В. И. Ленина, верного продолжателя революционной мысли и революционного дела Маркса и Энгельса. В статье подчеркивается величайшее богатство и глубина ленинского идейного наследия, все более раскрывающегося в нашу эпоху перед человечеством. Ленинизм — знамя нашего века, мощное орудие исторического прогресса. Святой долг марксистов-ленинцев — творчески овладевать этим всепобеждающим оружием, оберегать чистоту марксистско-ленинских идей от искажений, опошлений, фальсификаций.

²¹ Վ. Ի. Լենին, երկեր, հ. 5, էջ 507: